



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 11. 12. & 13. lib. Judith, in quibus
describitur Judithæ pietas, inter Idololatras non corrupta, victoria fictè
Holoferni promissa, ejusque in Juditham benevolentia. ...

[urn:nbn:de:hbz:466:1-61252](#)

propria figat viscera, libidinosus scipsum exurat. Sæpissimè continet: venatores laqueum feris tendentes, dum incautius agerent captos esse. Ita Tamerlanes Tartarorum Imperator, cùm feliç pugnâ superasset Bejazetem: ut illum captivum deduxit ad Aulam, in regali Throno lateri suo assidere jussit, quærens ab eo: quid suo statuisset in animo: agere cum Tamerlane, si versa fortunæ alea captivum obtinuisset? cui Turca temerariò ore responsum dedit fertur: ratum mihi erat, te mittere in ferream caveam, cum ludibrio per omnia loca circumducendum. Nec isthoc satur: equum consensurus, dorsò tuō haud aliter, quam scabellō fuisse usus. Vix hæc audierat Tamerlanes, sententiam illicò tulit istam: ex ore tuo te judico, idem supplicium sentiet superbia & crudelitas tua, quod mihi destinaveras. Filia Herodis insidiata capiti innocentissimi Joannis, quod etiam in præmium saltus sui obtinuit: cum hybernō tempore congelatum flumen transire tentaret, ruptâ glacie ad collum usque submersa est, capite intra glaciem intercepto. Reliquum deinde corpus saltantis in morem tamdiu agitare visa, donec impium caput à corpore per glaciem recisum remansit in superficie, publico expositum spectaculo. Ita Baron. ad an. 33. hoc spectaculum Christiane Lector oculis mentis tuæ præfige, ne oculis corporeis curiosius in mulierum formas cum Holoferne fixis, obscenō amoris vinculo ligatus cum ipso captivus ducaris, tartareis aliquando alligandus pœnis.

Doctrina 2.

Desumpta ex cap. 11. 12. & 13. lib. Judith, in quibus describitur Judithæ pietas, inter Idololatras non corrupta, victoria scilicet Holoferni promissa, ejusque in Juditham benevolentia. Abscissò Holofernisi capite Bethuliam redeuntis Judithæ Praconium.

Considera I. **Q**uanta vis insit solidæ in Deum pietati, dum Judith N.383.
 & in eorum commercio vivens, de se testari valuit cap. 11. ego ancilla tua Deum colo etiam nunc apud te. Imitabatur hæc foemina infractam Moysis constantiam: qui eti regia nutriretur in Aula, falsorum Deorum Cultui addictissima, à veri tamen Dei Religione nec latum unguem

guem deflexit; atque hinc teste Apostolô Hebr. 11. negavit, se esse filium filia Pharaonis, magis eligens affligi cum Populo Dei, quam temporalis peccati habere jucunditatem. Antiquiori adhuc exemplo sibi præluxisse novarat Josephum Patriarcham, qui ad supremum Principatus Fastigium inter Idololatras elatus, paternam Religionem, quam secum in Regionem Agypti detulerat, coluit integerrimam. Sicut gemmæ in lutea loca abjectæ innatum sibi retinent Splendorem: ita homines solidâ in Deum virtute prædicti, eandem conservant illæsam, et si inter perversissimos vivere cogantur. Qua in re Solem quoque emulantur, qui lucis defectum non patitur, et si fœdissima transeat per loca. Optimè igitur exclamat in rem nostram aureus Orator, S. Chrysost. homil. 11. in Epist. ad Philip. *virtus ubique lucet, & inexpugnabilis est.* Non divitie, non paupertas, non Principatus, non subjectio, non morbi, non ignominia vincunt: sed his omnibus relicitis ad Cœlum ipsa pertingit; dumtaxat si animus generosus, & nihil poterit solidum impedire. Fingunt: arundinem inter & olivam olim certatum esse de virium robore. Arundo industria sua confusa, quâ ad omnem ventum se inclinat, & omnes in partes se flectit, frangi se non posse, et si flecti possit, jaicitabat. Oliva verò cùm adversis semper obnatur ventis, laurum sibi præsagiebat exinde: quod nec flecti, nec frangi queat. Et verò hanc meritò obtinuit, existens symbolum solidæ & incorruptæ virtutis, qualem cum Moysè & Josepho orbi exhibuit Heroina Judith, & qualem à suis servis etiamnū hodie exigit Christus: sed proh dolor! vix unquam reperit: quam multi enim in Aulis Principum ad levem favoris favonium caput inclinant, adversò timoris aut spei flatu perterriti, ad quamlibet auram moventur, calida & frigida eodem ore perflant. Si vident: Principem Sacra parum æstimare, divinis raro interesse officiis, conciones abhorrete; quasi imperium accepissent, & ipsi hæc omnia horrent, & fugiunt. Constantinus Imperator, ut animos suorum exploratos haberet, finxit se Idolis immolaturum, & ecce! illicò sequaces habuit ministros, qui se Idolorum cultui devoverant: quos tamen velut pessimi valoris arundines Regno expulit. O Christiane Lector! quam clara tu quoque probes indicia, veram Pietatem nondum firmas in te egisse radices, qui non Principis aut Regis alicujus Majestate, sed abjectorum quandoque hominum verbis deteritus, à consueta erga Deum tuum devotione desistis. Quæso: quid tunc ageres, quando isthæc cum Judith

V. 12.

v. 12. citati cap. audires promissa : tu in Domo Nabuchodonosor magna eris, & nomen tuum memorabitur in universa terra. Quid si regales tibi apponenterent cibi, à lege tua vetiti ? actum plane esset de vera fide, aut saltem de divinorum observantia Præceptorum.

Considera 2. Quām verè Maria Virgo Praconium ab Ozia vi. N. 384.

Etrici Judith datum, sibi vendicet : benedicta es tu, ajebat ille cap. 13. filia à Domino Deo excelso pro omnibus mulieribus super terram. Maria enim, dum sine omni labore originalis peccati concepta est, tartarei Holofernisi caput felicissimō iētu demessuit. Fabula est superstitione antiquitatis: Achillem Graci Agminis Duce, armis hostium totō corpore impervium extitisse, solā plantā & calcaneō exceptis. Achilles plurimos, Heroes invictissimos nobis exhibet S. Scriptura, ausos humani generis hostem ad pugnam provocare, exclamantes instar Tu onensis Episcopi : quid adstas cruenta bestia ? nihil in me fūneſti reperies &c.? talis Heros extitit Jeremias, talis Joannes Pracuror Domini, qui non tantum in cunis, sed in ipso materno utero stygium superāvere serpentem, jam tunc divinā confirmati gratiā : at nullus eorum attigit invictam Mariæ fortitudinem, dum nullus evitare potuit, ut à venenato serpentis mortuus esset penitus innunis. De sola Virgine Maria testatur S. Scriptura Genes. 3. tu infidiaberis calcaneo eius. Ipsi conteret caput tuum. Poteris ergo, o Sacratissima Inferni Viatrix, Mater ter admiranda ! uti Prophetæ verbis Psal. 139. cantantis : obumbrasti super caput meum in die Belli. Quem locum Abulensis sic exponit : caput Principium est vita, dies autem Belli est instans illud Conceptionis, in quo Dæmon peccati originalis maculâ dominatur de anima. Principium autem vita beatissime Virginis obumbratum sicut ab instanti Conceptionis usque Prævisionis Christi. Ita ille. Hanc Triumphantricem Juditham roga tu Christiane Lector, ut suō præsidio te defendat : quatenus contracto jam semel vulnere peccati originalis, sed per sacram Baptismā curato, ab actuallī imposterū securus sis : ut cum cœlestis Bethuliae civibus æternum Pœana eidem liberatrici accinere valeas. Dein confisus de tali prædio, & armis strenue mortificationis indutus, exi in castra hostium tuorum, passionum inordinatarum, instar Civium Bethulie irrumpentium in castra deruncati Holofernisi. Cum Achior circumcidet carnem proprii amoris. Videbis brevi jacere extinctum, quidquid indomiti appetitus in te hucusque vixeras, bellum tibi movens, adjuvante hac gloriosa muliere sic generose superatus Dæmon dicit

S. 22.

cum

cum Vagao v. 16. cap. 14. una mulier Hebraea fecit confusione in Domo Regis &c.

Doctrina 3.

Desumpta ex cap. 15. & 16. lib. Judith, in quibus describitur Benedictio Judithae data post fugatos Assyrios & obtenta spolia. Canticum Judithae, oblatio ejus in Jerusalem &c.

N.385. Considera: **I**ngens quidem, & ad ea usque tempora inauditum extitisse facinus, quod Judith patraverat, amputando caput Holofernisi, & liberando Populum Bethuliz. Verum hoc facinus, et si summam laude dignissimum, non tamen tanti videtur aestimare S. Scriptura, quanri aestimat admirandam hujus foeminæ castitatem; dum tribus annis viro orbata vivens, vixit integrerrima, tot Victorias de se ipsa referens, quot à carnis petulantia tentationes diu noctuque fuerat passa. Verba S. Scripturæ sunt cap. 15. fecisti viriliter, & consortatum est cor tuum, eo quod castitatem amaveris, & potest virum tuum alterum nesciveris &c. hoc bellum, quod sua cum carne gerit homo, tanto gravius periculosiusque existit, quanto blandiora sunt arma, quibus nos impedit. Non enim in eo stringuntur acinaces & hastæ, non mugiunt tormenta currulia, non volitant ferrei aut plumbei globi, quæ omnia tremendi Martis instrumenta, aut fortibus muris aut æreis scutis plurimi propulsant, nihil vulneris abinde passi: sed teste S. Leone Papâ Serm. 6. de Epiphan. hostis depositus odium, & veritatem ingenium, inflamat concupiscentias. Ab intra movetur pugna, ut muro valloque careat obsesus, quo se tueatur. Poterat Propheta regius gloriari, se occidisse ursos, dilacerasse Leones, prostrasse gigantem, integros in fugam egisse exercitus, at fateri debuit, ab imbelli venere victum se esse. Poterat carneus ille Colossus Samson suam jaætitare fortitudinem, quâ solus ipse mille dejecit viros, mandibulâ asinæ pro gladio usus: at pariter fateri coactus est, parvulum illum puerulum ardenti face & spiculis armatum, omnes ejus perfregisse vires. Merito igitur asserit S. August. in Serm. inter alia certamina Christianorum duriora sunt prælia Castitatis: nam ibi continua pugna & rara victoria. Ad hoc Bellum pugnamque provocate Lector quid ages: ut cum genitissima Judith Victoriam de te ipso reportes? en imitare illam ipsam